



Broj: 02/1-50-1-22-61/10

Dana, 29.7.2010.

ZAPISNIK

sa 61. sjednice Ustavnopravne komisije Doma naroda Parlamentarne skupštine BiH (u daljnjem tekstu: Ustavnopravna komisija) održane 29.7.2010. s početkom u 9 sati.

Sjednici su prisustvovali članovi Ustavnopravne komisije:

1. Ivo Miro Jović,
2. Slobodan Šaraba,
3. Sulejman Tihic,
4. Zoran Koprivica,
5. dr Hilmo Neimarlija

Sjednici je prisustvovao i sekretar Ustavnopravne komisije, dr. Zijad Hasić.

Od gostiju, sjednici su, između ostalih, prisustvovali: Hazim Rančić, delegat Doma naroda Parlamentarne skupštine BiH; Branka Inić, pravna savjetnica Helsinškog komiteta BiH; Vinko Dumančić direktor GP BiH; Milana Popadić, pomoćnica ministra pravde BiH; Jasenka Žigić, pravni savjetnik Centralne banke BiH; Sarač Safeta, stručni saradnik za arbitražu Agencije za osiguranje BiH; Džihana Hajdarpašić, monitor iz OSCE BiH; Maja Ribar iz OHR-a; Nedim Hogić, pravni savjetnik USAID-a PSP u BiH; Simoneta Silvesili iz EUPM-a; Fatima Miletić, pomoćnik savjetnika u EUPM-u i Zoran Brkić iz PS BiH.

Sjednici, iz opravdanih razloga, nije prisustvovao dr Božo Ljubić.

Nakon kraće diskusije, članovi Ustavnopravne komisije nisu prihvatili razmatranje ranije predložene tačke dnevnog reda: Prečišćeni tekst Zakona o državnoj službi u institucijama Bosne i Hercegovine, priređivač teksta: Ministarstvo pravde BiH (utvrđivanje prečišćenog teksta zakona – postupak u skladu s članom 26. stav (1) tačka i) Poslovnika Doma). te utvrdili **sljedeći**:

DNEVNI RED

1. Verificiranje zapisnika 59. i 60. sjednice Komisije;
2. Realizacija ranije donesenih zaključaka;
3. Prijedlog zakona o parlamentarnom nadzoru u oblasti odbrane, sigurnosti i obavještajnosigurnosnih poslova, predlagač Zajednička komisija za nadzor nad radom Obavještajno-sigurnosne agencije Bosne i Hercegovine, (razmatranje zakona kada je predlagač zakona-delegat ili komisija Doma, član 96. Poslovnika Doma naroda);
4. Prijedlog zakona o primjeni rezultata analize dezoksiribonukleinske kiseline u sudskim postupcima, predlagač: Vijeće ministara BiH; (osnovni zakonodavni postupak: Postupak u nadležnoj komisiji čl. 102.-107. Poslovnika);
5. Prijedlog zakona o upravnim sporovima Bosne i Hercegovine, predlagač: Vijeće ministara BiH; (osnovni zakonodavni postupak: Postupak u nadležnoj komisiji čl. 102.-107. Poslovnika);
6. Prijedlog zakona o međunarodnom i međuentitetskom cestovnom prijevozu; predlagač Vijeće ministara Bosne i Hercegovine, (usaglašenost s Ustavom i pravnim sistemom: član 97. Poslovnika);
7. Izvještaj o radu Ustavnopravne komisija Doma naroda Parlamentarne skupštine Bosne i Hercegovine za period 1.1.2010.-30.6.2010. (član 26. stav (2) Poslovnika Doma naroda);

8. Razmatranje Zaključka donesenog na 3. sjednici Komisije pod tačkom 11. Tekuća pitanja: Preispitivanje Memoranduma o razumijevanju od 1.7.2001. godine između Ministarstva vanjskih poslova BiH i Ureda Visokog predstavnika koji državljane BiH zaposlene kod međunarodnih organizacija oslobađa poreza na dohodak
9. Ostala pitanja
 - a. Zahtjev za autentično tumačenje člana 114. stav (3) Zakona o policijskim službenicima („Službeni glasnik BiH“, br. 27/04, 63/04, 5/06, 33/06, 58/06, 15/06, 15/08, 63/08 i 35/08), podnosilac: Granična policija Bosne i Hercegovine (razmatranje zahtjeva, postupak za autentično tumačenje - u skladu s čl. 131.-134. Poslovnika Doma),
 - b. Zahtjev za autentično tumačenje člana 22. st. (2) i (3), člana 44. stav (2) tač. b) i c) i st. (3) i (4) Zakona o sportu u Bosni i Hercegovini („Službeni glasnik BiH“, broj 27/08), podnosilac: Karate savez Bosne i Hercegovine (razmatranje zahtjeva, postupak za autentično tumačenje - u skladu s čl. 131.-134. Poslovnika Doma);
 - c. Zahtjev za autentično tumačenje člana 27. stav (2) Zakona o visokom sudskom i tužilačkom vijeću Bosne i Hercegovine („Službeni glasnik BiH“, brojevi: 25/04, 93/05 i 48/07), podnosilac: Helsinški komitet za ljudska prava u Bosni i Hercegovini (razmatranje zahtjeva, postupak za autentično tumačenje - u skladu s čl. 131.-134. Poslovnika Doma);
 - d. Zahtjev za autentično tumačenje člana 3. stav (2) Zakona o javnim nabavkama („Službeni glasnik BiH“ brojevi: 49/04, 19/05, 52/05, 8/06, 24/06, 70/06 i 12/09), podnosilac: Centralna Banka Bosne i Hercegovine (razmatranje zahtjeva, postupak za autentično tumačenje - u skladu s čl. 131.-134. Poslovnika Doma);
 - e. Zahtjev za autentično tumačenje člana 51. stav (5) Zakona o javnim nabavkama („Službeni glasnik BiH“ brojevi: 49/04, 19/05, 52/05, 8/06, 24/06, 70/06 i 12/09), podnosilac: Ured za razmatranje žalbi (razmatranje zahtjeva, postupak za autentično tumačenje - u skladu s čl. 131.-134. Poslovnika Doma).
 - f. Zahtjev za autentičnim tumačenjem odredaba člana 2. stav (1) i člana 9. stav (6) Zakona o Agenciji za osiguranje u Bosni i Hercegovini („Službeni glasnik BiH“, broj 24/05) podnosilac: Agencija za osiguranje u BiH; (razmatranje zahtjeva u skladu s članom 131. Poslovnika Doma);
 - g. Izvještaj o studijskoj posjeti delegacije PSBiH Bundestagu, Parlamentu Saksonije i drugim vladinim institucijama Savezne Republike Njemačke, od 7. do 11.6.2010. (usvajanje izvještaja - postupak u skladu s članom 26. stav (2) Poslovnika Doma).
 - h. Izvještaj o studijskoj posjeti delegacije PSBiH Parlamentu, Vrhovnom sudu i drugim vladinim institucijama Republike Austrije, od 5. do 7.7.2010. (usvajanje izvještaja - postupak u skladu s članom 26. stav (2) Poslovnika Doma).

Ad. 1. Verificiranje Zapisnika 59. i 60. sjednice Komisije

Ivo Miro Jović, predsjedavajući Komisije, predložio je diskusiju o ovoj tački Dnevnog reda.

Nije bilo diskusije o zapisnicima 59. i 60. sjednice.

Nakon toga, Ustavnopravna komisija je jednoglasno usvojila zapisnike 59. i 60. sjednice.

Ad. 2. Realizacija ranije donesenih zaključaka

U uvodu za ovu tačku dnevnog reda, Ivo Miro Jović, predsjedavajući Ustavnopravne komisije, predložio je da, po običaju, sekretar Komisije, dr Zijad Hasić, prezentira stanje zaključaka i njihove realizacije.

Sekretar Komisije, dr Zijad Hasić, upoznao je članove Komisije o stanju zaključaka. Konstatirao je da nije bilo drugih aktivnosti po ovim zaključcima, ali je dodao da se i na današnjoj sjednici Ustavnopravne komisije nalazi posebna tačka dnevnog reda: „Razmatranje Zaključka donesenog na

3. sjednici Komisije pod tačkom 11. Tekuća pitanja: Preispitivanje Memoranduma o razumijevanju od 1.7.2001. godine između Ministarstva vanjskih poslova BiH i Ureda Visokog predstavnika koji državljane BiH zaposlene kod međunarodnih organizacija oslobađa poreza na dohodak“, koja je posvećena realizaciji zaključaka.

Kako nije bilo daljnjih diskusija članovi Ustavnopravne komisije, primili su na znanje prezentaciju sekretara Ustavnopravne komisije dr Zijada Hasića.

Ad. 3. Prijedlog zakona o parlamentarnom nadzoru u oblasti odbrane, sigurnosti i obavještajno-sigurnosnih poslova, predlagač Zajednička komisija za nadzor nad radom Obavještajno-sigurnosne agencije Bosne i Hercegovine, (razmatranje zakona kada je predlagač zakona-delegat ili komisija Doma, član 96. Poslovnika Doma naroda)

Kao uvod u ovu tačku dnevnog reda, **Ivo Miro Jović**, istakao je sljedeće:

Zajednička komisija za nadzor nad radom Obavještajno-sigurnosne agencije BiH Parlamentarne skupštine BiH dostavila je, kao predlagač, 25.6.2010., Domu naroda Parlamentarne skupštine BiH Prijedlog zakona o parlamentarnom nadzoru u oblasti odbrane, sigurnosti i obavještajno-sigurnosnih poslova, radi razmatranja i usvajanja. Naša Ustavnopravna komisija razmatra samo ustavni osnov i usaglašenost s ustavom ovog prijedloga zakona.

U raspravi su učestvovali prisutni članovi Ustavnopravne komisije, kao i Hazim Rančić, delegat u Domu naroda Parlamentarne skupštine BiH. U diskusiji, svi su se složili o postojanju potrebe donošenja ovog zakona.

Nakon provedene rasprave, Ustavnopravna komisija Doma naroda Parlamentarne skupštine BiH jednoglasno je utvrdila sljedeće:

1. postoji ustavnopravni osnov za donošenje Zakona o parlamentarnom nadzoru u oblasti odbrane, sigurnosti i obavještajno-sigurnosnih poslova;
2. ponuđeni tekst Zakona usaglašen je sa Ustavom i pravnim sistemom BiH;
3. ponuđeni tekst Zakona može se uputiti u daljnju zakonodavnu proceduru.

Ad. 4. Prijedlog zakona o primjeni rezultata analize dezoksiribonukleinske kiseline u sudskim postupcima, predlagač: Vijeće ministara BiH; (osnovni zakonodavni postupak: Postupak u nadležnoj komisiji čl. 102.-107. Poslovnika)

U vezi ove tačke i Prijedloga zakona, učešće su uzeli svi prisutni članovi, kao i Hazim Rančić, delegat u Domu naroda. Ivo Miro Jović je istakao da na tekst Prijedloga zakona, uloženi su amandmani Hazima Rančića i Slobodana Šarabe (ranije uloženi). U širokoj raspravi, razmatrani su ponuđeni amandmani, kao i prijedlozi rješavanja ove situacije. Na kraju ove diskusije dogovoreno je da se sada stane s diskusijom o ovom prijedlogu zakona, te nastavi kada se razmotre ostale tačke dnevnog reda.

Ad. 5. Prijedlog zakona o upravnim sporovima Bosne i Hercegovine, predlagač: Vijeće ministara BiH; (osnovni zakonodavni postupak: Postupak u nadležnoj komisiji čl. 102.-107. Poslovnika);

O ovom Prijedlogu zakona, u uvodu, **Ivo Miro Jović** je istakao sljedeće:

Vijeće ministara BiH dostavilo je, kao predlagač, 4.6.2010., Domu naroda Parlamentarne skupštine BiH Prijedlog zakona o izmjenama Zakona o upravnim sporovima Bosne i Hercegovine, radi razmatranja i usvajanja. Ustavnopravna komisija Doma naroda Parlamentarne skupštine BiH je, na 59. sjednici, održanoj 5.7.2010., razmatrala Prijedlog zakona o izmjenama Zakona o upravnim sporovima Bosne i Hercegovine. Nakon provedene rasprave, Ustavnopravna komisija Doma naroda Parlamentarne skupštine BiH jednoglasno je utvrdila da:

1. postoji ustavnopravni osnov za donošenje Zakona o izmjenama Zakona o upravnim sporovima Bosne i Hercegovine;
2. je ponuđeni tekst Zakona usaglašen sa Ustavom BiH i pravnim sistemom BiH;
3. se ponuđeni tekst Zakona može uputiti u daljnju zakonodavnu proceduru.

Tada je Ustavnopravna komisija, jednoglasno, prihvatila principe predloženog zakona. Dom naroda Parlamentarne skupštine BiH je na 48. sjednici, održanoj 13.7.2010., usvojio Prijedlog zakona o izmjenama Zakona o upravnim sporovima Bosne i Hercegovine u prvom čitanju. Svojim zaključkom, Dom naroda Parlamentarne skupštine BiH odlučio je amandmansku fazu skratiti na sedam dana od dana usvajanja navedenog zakona u prvom čitanju. Niko od ovlaštenih predlagača nije, u navedenom roku, uložio amandmane na Prijedlog zakona o izmjenama Zakona o upravnim sporovima Bosne i Hercegovine. Predložio je raspravu.

Nakon rasprave, Komisija je:

1. jednoglasno prihvatila Prijedlog zakona o izmjenama Zakona o upravnim sporovima Bosne i Hercegovine,
2. konstatirala da je Zakon neophodno donijeti i predložila Domu naroda njegovo usvajanje.

Ad. 6. Prijedlog zakona o međunarodnom i međuentitetskom cestovnom prijevozu; predlagač Vijeće ministara Bosne i Hercegovine, (usaglašenost s Ustavom i pravnim sistemom: član 97. Poslovnika);

O ovoj tački dnevnog reda, predsjedavajući Ustavnopravne komisija je istakao sljedeće: Vijeće ministara BiH dostavilo je, kao predlagač, 16.6.2010., Domu naroda Parlamentarne skupštine BiH Prijedlog zakona o međunarodnom i međuentitetskom cestovnom prijevozu, radi razmatranja i usvajanja. Predložio je raspravu.

Nakon provedene rasprave, Ustavnopravna komisija Doma naroda Parlamentarne skupštine BiH jednoglasno je utvrdila da:

1. postoji ustavnopravni osnov za donošenje Zakona o međunarodnom i međuentitetskom cestovnom prijevozu;
2. je ponuđeni tekst zakona usaglašen sa Ustavom BiH i pravnim sistemom BiH;
3. se ponuđeni tekst zakona može uputiti u daljnju zakonodavnu proceduru.

Ad. 7. Izvještaj o radu Ustavnopravne komisije Doma naroda Parlamentarne skupštine Bosne i Hercegovine za period 1.1.2010.-30.6.2010. (član 26. stav (2) Poslovnika Doma naroda)

O vezi ovog predmeta, sekretar Ustavnopravne komisije, dr Zijad Hasić dao je uvodne napomene. On je istakao da su podaci, istaknuti u Izvještaju o radu Ustavnopravne komisije Doma naroda Parlamentarne skupštine Bosne i Hercegovine za period 1.1.2010.-30.6.2010. a koji se razmatra po članu 26.

stav (2) Poslovnika Doma naroda bržljivo provjereni, a sam document će služiti službama za statističke i druge potrebe.

Nakon toga, članovi Ustavnopravne komisije prihvatili su jednoglasno Izvještaj o radu Ustavnopravne komisije Doma naroda Parlamentarne skupštine Bosne i Hercegovine za period 1.1.2010.-30.6.2010.

Ad 8. Razmatranje Zaključka donesenog na 3. sjednici Komisije pod tačkom 11. Tekuća pitanja: Preispitivanje Memoranduma o razumijevanju od 1.7.2001. godine između Ministarstva vanjskih poslova BiH i Ureda Visokog predstavnika koji državljane BiH zaposlene kod međunarodnih organizacija oslobađa poreza na dohodak

U vezi ovog predmeta, predsjedavajući **Ivo miro Jović**, istakao je sljedeće:

Pitanje Zaključka donesenog na 3. sjednici Komisije pod tačkom 11. Tekuća pitanja: Preispitivanje Memoranduma o razumijevanju od 1.7.2001. godine između Ministarstva vanjskih poslova BiH i Ureda Visokog predstavnika koji državljane BiH zaposlene kod međunarodnih organizacija oslobađa poreza na dohodak postavljalo se veoma često na dnevni red. Iz diskusija i aktivnosti, koje su provedene, najlogičnije je dostavili ovaj zaključak Zajedničkoj komisiji za ljudska prava, prava djeteta, mlade, imigraciju, izbjeglice, azil i etiku PS BiH, jer je to u njenoj nadležnosti, s prijedlogom da naredni saziv i naredna Zajednička komisija angažuju se na ovom pitanju.

Nakon toga, Komisija je donijela sljedeći zaključak:

Članovi Ustavnopravne komisije su mišljenja da u međunarodnim organizacijama koje rade u Bosni i Hercegovini, većina zaposlenih prima platu bez uplate poreza na dohodak, te bez socijalnog, zdravstvenog ili penzionog osiguranja, čime se krše osnovna ljudska prava tih zaposlenika.

Komisija predlaže da Zajednička komisija za ljudska prava, prava djeteta, mlade, imigraciju, izbjeglice, azil i etiku Parlamentarne skupštine BiH, nastavi aktivnosti istraživanja i rješavanja ovog pitanja.

Ad 9. Ostala pitanja

a) Zahtjev za autentično tumačenje člana 114. stav (3) Zakona o policijskim službenicima („Službeni glasnik BiH“, br. 27/04, 63/04, 5/06, 33/06, 58/06, 15/06, 15/08, 63/08 i 35/08), podnosilac: Granična policija Bosne i Hercegovine (razmatranje zahtjeva, postupak za autentično tumačenje - u skladu s čl. 131.-134. Poslovnika Doma),

U vezi ovog predmeta, predsjedavajući **Ivo miro Jović**, istakao je sljedeće:

Parlamentarna skupština Bosne i Hercegovine, primila je 7.5.2010. Zahtjev za autentičnim tumačenjem člana 114. stav (3) Zakona o policijskim službenicima, podnosioca Granične policije, Sarajevo, Ul. Reufa Muhića 2a. Predložio je raspravu.

Nakon rasprave, Ustavnopravna komisija je, cijeneći jasnoću norme koja je predmet autentičnog tumačenja, jednoglasno konstatirala sljedeće:

- Ustavnopravna komisija smatra da je navedeni zahtjev podnesen radi traženja odgovora na praktičnu primjenu propisa, a ne autentično tumačenje pravne norme;

- Postupak za autentično tumačenje navedene pravne norme obustavlja se;
- Ustavnopravna komisija predlaže Kolegiju Doma naroda, da takav odgovor uputi podnosiocu Ministarstvu sigurnosti BiH, Graničnoj policiji, Sarajevo, ul. Reufa Muhića 2a, faks 033 755 305.

b) Zahtjev za autentično tumačenje člana 22. st. (2) i (3), člana 44. stav (2) tač. b) i c) i st. (3) i (4) Zakona o sportu u Bosni i Hercegovini („Službeni glasnik BiH“, broj 27/08), podnosilac: Karate savez Bosne i Hercegovine (razmatranje zahtjeva, postupak za autentično tumačenje - u skladu s čl. 131.-134. Poslovnika Doma);

U vezi ovog predmeta, predsjedavajući **Ivo miro Jović**, istakao je sljedeće:

Parlamentarna skupština Bosne i Hercegovine, primila je 29.6.2010. Zahtjev za autentičnim tumačenjem člana 22. st. (2) i (3), člana 44. stav (2) tač. b) i c) i st. (3) i (4) Zakona o sportu u Bosni i Hercegovini („Službeni glasnik BiH“, broj 27/08) podnosioca Karate saveza Bosne i Hercegovine, Sarajevo, M. Tita 9.2. Predložio je raspravu.

Nakon rasprave, Ustavnopravna komisija je, cijeneći jasnoću norme koja je predmet autentičnog tumačenja, jednoglasno konstatirala sljedeće:

- Ustavnopravna komisija smatra da je navedeni zahtjev podnesen od neovlaštenog subjekta, jer postupak za autentično tumačenje mogu inicirati samo subjekti koji su zaduženi za provođenje zakona i drugih općih pravnih akata;
- Postupak za autentično tumačenje navedene pravne norme obustavlja se;
- Ustavnopravna komisija predlaže Kolegiju Doma naroda, da takav odgovor uputi podnosiocu Karate savezu Bosne i Hercegovine, Sarajevo, M. Tita. 9.a.

c) Zahtjev za autentično tumačenje člana 27. stav (2) Zakona o visokom sudskom i tužilačkom vijeću Bosne i Hercegovine („Službeni glasnik BiH“, brojevi: 25/04, 93/05 i 48/07), podnosilac: Helsinški komitet za ljudska prava u Bosni i Hercegovini (razmatranje zahtjeva, postupak za autentično tumačenje - u skladu s čl. 131.-134. Poslovnika Doma);

U vezi ovog predmeta, predsjedavajući **Ivo miro Jović**, istakao je sljedeće:

Parlamentarna skupština Bosne i Hercegovine, primila je 14.5.2010. Zahtjev za autentičnim tumačenjem člana 27. stav (2) Zakona o visokom sudskom i tužilačkom vijeću Bosne i Hercegovine („Službeni glasnik BiH“, br.: 25/04, 93/05 i 48/07), podnosioca Helsinškog komiteta za ljudska prava u Bosni i Hercegovini, Sarajevo, Ante Fijamenga 14b. Predložio je raspravu.

Nakon rasprave, Ustavnopravna komisija je, cijeneći jasnoću norme koja je predmet autentičnog tumačenja, jednoglasno konstatirala sljedeće:

- Ustavnopravna komisija smatra da je navedeni zahtjev podnesen od neovlaštenog subjekta, jer postupak za autentično tumačenje mogu inicirati samo subjekti koji su zaduženi za provođenje zakona i drugih općih pravnih akata;
- Postupak za autentično tumačenje navedene pravne norme obustavlja se;

- Ustavnopravna komisija predlaže Kolegiju Doma naroda, da takav odgovor uputi podnosiocu Helsinškom komitetu za ljudska prava u Bosni i Hercegovini, Sarajevo, Ante Fijamenga 14b . faks: 033661853.

d) Zahtjev za autentično tumačenje člana 3. stav (2) Zakona o javnim nabavkama („Službeni glasnik BiH“ brojevi: 49/04, 19/05, 52/05, 8/06, 24/06, 70/06 i 12/09), podnosilac: Centralna Banka Bosne i Hercegovine (razmatranje zahtjeva, postupak za autentično tumačenje - u skladu s čl. 131.-134. Poslovnika Doma)

U vezi ovog predmeta, predsjedavajući **Ivo miro Jović**, istakao je slijedeće:

Parlamentarna skupština Bosne i Hercegovine, primila je 22.6.2010. Zahtjev za autentičnim tumačenjem člana 3. stav (2) Zakona o javnim nabavkama („Službeni glasnik BiH“ br: 49/04, 19/05, 52/05, 8/06, 24/06, 70/06 i 12/09), podnosioca Centralna banka Bosne i Hercegovine, Sarajevo, Maršala Tita 25. Predložio je raspravu.

Nakon rasprave, Ustavnopravna komisija je, cijeneći jasnoću norme koja je predmet autentičnog tumačenja, jednoglasno konstatirala sljedeće:

- Ustavnopravna komisija smatra da je; odredba člana 3. stav (2) Zakona o javnim nabavkama jasna.
- Postupak za autentično tumačenje navedene pravne norme obustavlja se;
- Ustavnopravna komisija predlaže Kolegiju Doma naroda, da takav odgovor uputi podnosiocu Centralnoj banci Bosne i Hercegovine, Sarajevo, Maršala Tita 25, faks 033663630.

e) Zahtjev za autentično tumačenje člana 51. stav (5) Zakona o javnim nabavkama („Službeni glasnik BiH“ brojevi: 49/04, 19/05, 52/05, 8/06, 24/06, 70/06 i 12/09), podnosilac: Ured za razmatranje žalbi (razmatranje zahtjeva, postupak za autentično tumačenje - u skladu s čl. 131.-134. Poslovnika Doma).

U vezi ovog predmeta, predsjedavajući **Ivo miro Jović**, istakao je slijedeće:

Parlamentarna skupština Bosne i Hercegovine, primila je 12.7.2010. Zahtjev za autentičnim tumačenjem dijela člana 51. stav (5) Zakona o javnim nabavkama Bosne i Hercegovine („Službeni glasnik BiH“ br.i: 49/04, 19/05, 52/05, 8/06, 24/06, 70/06 i 12/09), podnosioca Ureda za razmatranje žalbi Bosne i Hercegovine. Predložio je raspravu.

Nakon rasprave, Ustavnopravna komisija je, cijeneći jasnoću norme koja je predmet autentičnog tumačenja, jednoglasno konstatirala sljedeće:

- Ustavnopravna komisija smatra da je; odredba dijela člana 51. stav (5) Zakona o javnim nabavkama Bosne i Hercegovine jasna.
- Postupak za autentično tumačenje navedene pravne norme obustavlja se;
- Ustavnopravna komisija predlaže Kolegiju Doma naroda, da takav odgovor uputi podnosiocu Uredu za razmatranje žalbi Bosne i Hercegovine.

f) Zahtjev za autentičnim tumačenjem odredaba člana 2. stav (1) i člana 9. stav (6) Zakona o Agenciji za osiguranje u Bosni i Hercegovini ("Službeni glasnik BiH", broj 24/05) podnosilac: Agencija za osiguranje u BiH; (razmatranie zahtjeva u skladu s članom 131. Poslovnika Doma);

U vezi ovog predmeta, predsjedavajući **Ivo miro Jović**, istakao je slijedeće:

On je upoznao članove Ustavnopravne komisije da je i Ustavnopravna komisija Predstavničkog doma odložila izjašnjenje o ovom predmetu autentičnog tumačenja tražeći da predstavnici Ministarstva finansija i trezora, Agencije za osiguranje BiH i entitetskih agencija za osiguranje usaglase stavove, pa će se postupak nastaviti.

Članovi Ustavnopravne komisije su prihvatili sugestiju da se, nakon dogovora navedenih subjekata i kada nam dođu rezultati dogovora, procedura u predmetu nastavi.

g) Izvještaj o studijskoj posjeti delegacije PSBiH Bundestagu, Parlamentu Saksonije i drugim vladinim institucijama Savezne Republike Njemačke, od 7. do 11.6.2010. (usvajanje izvještaja - postupak u skladu s članom 26. stav (2) Poslovnika Doma).

U vezi ovog predmeta, predsjedavajući **Ivo miro Jović**, istakao je slijedeće:

On je podsjetio na učinjenu studijsku posjetu SR Njemačkoj, kao i sve njene aktivnosti navedene u radnom materijalu Izvještaja o studijskoj posjeti delegacije PSBiH Bundestagu, Parlamentu Saksonije i drugim vladinim institucijama Savezne Republike Njemačke, od 7. do 11.6.2010.

Nakon kraće diskusije, članovi Ustavnopravne komisije jednoglasno su prihvatili Izvještaj.

h) Izvještaj o studijskoj posjeti delegacije PSBiH Parlamentu, Vrhovnom sudu i drugim vladinim institucijama Republike Austrije, od 5. do 7.7.2010. (usvajanje izvještaja - postupak u skladu s članom 26. stav (2) Poslovnika Doma)

U vezi ovog predmeta, predsjedavajući **Ivo miro Jović**, istakao je slijedeće:

On je podsjetio na učinjenu studijsku posjetu Republici Austriji, kao sve njene aktivnosti navedene u radnom materijalu Izvještaj o studijskoj posjeti delegacije PSBiH Parlamentu, Vrhovnom sudu i drugim vladinim institucijama Republike Austrije od 5. do 7.7.2010.

Nakon kraće diskusije, članovi Ustavnopravne komisije jednoglasno su prihvatili Izvještaj.

Poslije razmatranja ovih tačaka Dnevnog reda, ponovo je razmatrana tačka:

4. Prijedlog zakona o primjeni rezultata analize dezoksiribonukleinske kiseline u sudskim postupcima, predlagač: Vijeće ministara BiH; (osnovni zakonodavni postupak: Postupak u nadležnoj komisiji čl. 102.-107. Poslovnika);

Nakon kraće diskusije dogovoreno je da se odlučivanje o ovoj tački dnevnog reda razmatra na narednoj sjednici Ustavnopravne komisije.

Nakon toga, završena je sjednica Ustavnopravne komisije u 10,45 sati.

SEKRETAR KOMISIJE

dr Zijad Hasić

PREDSJEDAVALJUĆI KOMISIJE

Ivo Miro Jović

